

四庫全書

集部

欽定四庫全書

集部

御定全唐詩卷五百八十四至  
六

詳校官庶吉士臣胡鈺

主事銜臣徐以坤覆勘

總校官知縣臣繆

琪

校對官中書臣陸

湘

騰錄監生臣吳

鵬

欽定四庫全書

御定全唐詩卷五百八十四

段成式

段成式字柯古河南人世客荊州宰相文昌之子也以  
陰為校書郎研精苦學祕閣書籍披閱皆遍歷尚書郎  
太常少卿連典九江縉雲廬陵三郡坐累退居襄陽集  
七卷今編詩一卷

觀山燈獻徐尚書

并序

尚書東苑公鎮襄之三年四維具舉而仍歲穀熟  
及上元日百姓請事山燈以報穰祈祉也時從事  
及上客從公登城南樓觀之初爍空歛谷漫若朝  
炬忽驚狂燒卷風撲緣一峯如塵烘旆色如波殘  
鯨鬣如霞駁如珊瑚露如丹蛇蛟離如朱草藂  
如芝之曲如蓮之擎布宇而疾抵電書寫塔而爭  
同蜃搆亦天下一絕也成式辭多嗤累學未該悉  
策山燈事唯記陳後主宴光壁殿遙詠山燈詩云

雜桂還如月依柳更疑星輒成三首以紀壯觀

風杪影凌亂露輕光陸離如霞散仙掌似燒上峨嵋道  
樹千花發扶桑九日移因山成衆像不復藉蟠螭

湧出多寶塔往來飛錫僧分明三五月傳照百千燈馴

狖移高柱

一作  
灶

慶雲遮半層夜深寒焰白猶自綴金繩

磊落風初定輕明雲乍妨疎中搖月彩繁處雜星芒火  
樹枝柯密燭龍鱗甲張窮愁讀書者應得假餘光

和徐商賀盧員外賜緋

一作和徐相公賀襄  
陽徐副使加章服

雲雨軒懸鶯語新一篇佳句占陽春銀黃年少偏欺酒  
金紫風流不讓人連壁座中斜日滿貫珠歌裏落花頻  
莫辭倒載吟歸去看欲東山又吐茵

河出滎光

符命自陶唐吾君應會昌千年清德水九折滿滎光極  
岸浮佳氣微波照夕陽澄輝明貝闕散彩入龍堂近帶  
關雲紫遙連日道黃馮夷矜海若漢武貴宣房漸沒孤  
槎影仍呈一葦航撫躬悲未濟作頌喜時康

哭李羣玉

曾話黃陵事今爲白日催老無兒女累誰哭到泉臺

寄溫飛卿牋紙

予在九江造雲藍紙既乏左伯之法全無張永之功輒送五十

板

三十六鱗充使時數番猶得裏相思待將袍襖重抄了

盡寫襄陽播摺

一作詞  
掘拓

題石泉蘭若

矗竹爲籬松作門石楠陰底藉芳蓀方袍近日少平叔

注得逍遙無處論

怯酒贈周繇

一作荅周爲  
憲看牡丹

大白東西飛正狂  
新筍石凍雜梅香  
詩中反語常回避  
尤怯花前喚索郎

牛尊師宅看牡丹

洞裏仙春日更長  
翠叢風翦紫霞芳  
若爲蕭史通家客  
情願扛壺入醉鄉

觀碁

一作溫  
庭筠詩



閒對奕楸傾一壺黃羊枰上幾成都他時謁帝銅池曉  
一作便賭宣城太守無

題僧壁

一本下有和  
韋蟾三字

有僧支頰撚眉毫起就夕陽磨剃刀到此旣知閒最一作  
處樂俗心何啻九牛毛

哭房處士

獨上黃壇幾度盟印開龍渥喜丹成豈同叔夜終無分  
空向人間著養生

呈輪上人

虎到前頭心不驚  
殘陽擇蟲嬾逢迎  
東林水石未勝此  
要假遠公方有名

題谷隱蘭若三首

風惹閒雲半谷陰  
巖西隱者醉相尋  
草裒乍覺徑增險  
葉盡却疑溪不深

鳥啄靈雛戀落暉  
村情山趣頓忘機  
丹成道士過門數  
葉盡寒猿下嶺稀

風帶巢熊拗樹聲老僧相引入雲行半陂新路畚纔了  
一谷寒煙燒不成

不赴光風亭夜飲贈周繇

屏開屈膝見吳娃蠻蠟同心四照花  
姹女不愁難管領  
斬新鉛裏得黃牙

嘲元中丞

一作襄陽中堂賞花爲  
憲與妓人戲語嘲之

鶯裏花前選孟光東山逋客酒初狂  
素娥畢竟難防備  
燒得河車莫遣嘗

寄

一作與

周繇

一作爲憲

求人參

少賦令才猶強作衆醫多識不能呼九莖仙草真難得  
五葉靈根許惠無

嘲飛卿七首

曾見當壚一箇人  
時裝束好腰身  
少年花蒂多芳思  
只向詩中寫取真

醉袂幾侵魚子綰  
飄纓長冒鳳皇釵  
知君欲作閑情賦  
應願將身作錦鞵

翠蝶密偎金叉

一作七

首青蟲危泊玉釵梁愁生半額不

開靨只爲多情團扇郎

柳煙梅雪隱青樓殘日黃鸝語未休見說自能裁袖腹  
不知誰更著梢頭

愁機嬾織同心苴悶繡先描連理枝多少風流詞句裏  
愁中空詠早環詩

燕支山色重能輕南陽水澤關分明不煩射雉先張翳  
自有琴中威鳳聲

半歲愁中鏡似荷，牽環撩鬢却須磨。  
花前不復抱瓶渴，月底還應琢刺歌。

柔卿解籍戲呈飛卿三首

長檐犢車初入門，金牙新醞盈深罇。  
良人爲漬木瓜粉，遮却紅腮交午痕。

最宜全幅碧蛟綃，自製春羅等舞腰。  
未有長錢求鄴錦，且令裁取一團嬌。

出意挑鬟一尺長，金爲鈿鳥簇釵梁。  
鬱金種得花茸細。

添入春衫領裏香

戲高侍御七首

百媚城中一箇人  
紫羅垂手見精神  
青琴仙子長教示  
自小來來號阿真

七尺髮猶三角梳  
玳牛獨駕長檐車  
曾城自有三青鳥  
不要蓮東雙鯉魚

花恨紅腰

一作腮

柳妬眉東鄰牆短  
不曾窺猶憐最小分

瓜日柰許迎春得藕時

自等腰身尺六彊兩重危鬢盡釵長欲燠羅薦嫌龍腦  
湏爲尋求石葉香

別起青樓作幾層斜陽慢卷鹿盧繩厭裁魚子深紅纈  
泥覓蜻蜓淺碧綾

詐嫌嚼貝磨衣鈍私帶男錢壓鬢低不獨卽單新嫁女  
四枝鬟上插通犀

可羨羅敷自有夫愁中漫將白髭鬚豹錢驄子能擎舉  
兼著連乾乾許換無



送僧二首

形神不滅論初成  
愛馬乘閒入帝京  
四十二年虛過了  
方知僧裏有唐生

想到頭陀最上方  
桂陰猶認惠宗房  
因行戀燒歸來晚  
窗下猶殘一字香

援

却憶書齋值晚晴  
挽枝閒嘯激蟬聲  
清影沈巴峽  
夜巖色蹤絕石塘寒瀨聲

送穆郎中赴闕

應念愁中恨索居  
驪歌聲裏且踟躕  
若逢金馬門前客  
爲說虞卿久著書

題商山廟

偶出雲泉謁禮闈  
篇章曾沐漢皇知  
無謀靜國東歸去  
羞過商山四老祠

折楊柳七首

枝枝交影鎖長門  
嫩色曾沾雨露恩  
鳳輦不來春欲盡

空留鶯語到黃昏

此篇一作  
王貞白詩

水殿年年占早芳  
柔條偏惹御爐香  
而今萬乘多巡狩

輦路無陰綠草長

此篇一作  
王貞白詩

玉樓煙薄不勝芳  
金屋寒輕翠帶長  
公子驂騑往何處

綠陰堪繫紫遊韉

嫩葉初齊不耐寒  
風和時拂玉欄干  
君王去日曾攀折

泣雨傷春翠黛殘

此篇一作  
王貞白詩

微黃纔綻未成陰  
繡戶珠簾相映深  
長恨早梅無賴極

先將春色出前林

隋家堤上已成塵  
漢將營邊不復春  
只向江南并塞北  
酒旗相伴惹行人

陌上河邊千萬枝  
怕寒愁雨盡低垂  
黃金穗短人多折  
已恨東風不展眉

哭李羣玉

酒裏詩中三十年  
縱橫唐突世喧喧  
明時不作禰衡死  
傲盡公卿歸九泉

漢宮詞二首

歌舞初承恩寵時  
六宮學妾畫蛾眉  
君王厭世妾頭白  
聞唱歌聲却淚垂

二八能歌得進名  
人言選入便光榮  
豈知妃后多嬌妬  
不許君前唱一聲

醉中吟

只愛糟牀滴滴聲  
長愁聲絕又醒醒  
人間榮辱不常定  
唯有南山依舊青

桃源僧舍看花

前年帝里探春時  
寺寺名花我盡知  
今日長安已灰燼  
忍能南國對芳枝

和周繇見嘲

并序 一作和周爲憲廣陽公宴見嘲詩

近者初開金埒大  
敝紅筵騎歷塊  
而風生鼓摻撾  
而雷發成式  
未曾盤馬徒效  
執鞭喜過君子  
之營  
徒接將軍之第  
歟段辭退因得  
坐觀是時滿目  
鉛黃  
迎鼻蘭麝晚  
薪餘論恨織素  
而不憐斜柯新  
知

歎因針而難假化符端公妾換名馬賦闢長門莫  
逆賞心形於善謔爲憲老舅吟飄白雪思效碧雲  
六韻傳觀不得落地鏗如佩玉粲若列星儼眼詎  
貴於千金貸心只勞於一句輒鳴瓦缶方應金甌  
拗輔宜哈足代諧笑

才甘魚目並藝怯馬蹄間王謝初飛蓋姬姜盡下山縛

雞方

難一作

角逐射雉豈開顏亂翠移林色狂紅照座殷

防梭齒雖在乞帽鬢慙斑儻恕相如瘦應容累騎還

和張希復詠宣律和尚袈裟

南山披時寒夜中一角不動毘嵐風何人見此生慙媿  
斷續猶應護得龍

句

高談敬風鑒古貌怯冰稜

以下見海錄碎事

虱暴妨歸夢

喧徹曙更

夢裏思甘露言中惜惠燈

新破毘曇義

相期卜夜論

夢得句云云  
因續成十韻

隨樵劫後藏隈石覩熊緣

隱山書事  
見襄陽志

捫胡雲彩落痕面月痕消

光風亭夜宴  
妓有醉歐者



擲履仙兒起，捲衣蝴蝶飄。  
羞中含薄怒，顰裏帶餘嬌。  
醒後猶攘臂，歸時更折腰。  
狂夫自纓絕，眉勢倩人描。

題同  
上見

紀事

不願石郎戴笠，難甘玉女披衣。

苦雨

御定全唐詩卷五百八十四

欽定四庫全書

御定全唐詩卷五百八十五

劉駕

劉駕字司南江東人登大中進士第官國子博士詩一卷

皎皎詞

皎皎復皎皎逢時即為好高秋亦有花不及當春草班  
姬入後宮飛燕舞東風青娥中夜起長歎月明裏

長安旅舍抒情投先達

一作長安抒懷寄知己

岐路不在地馬蹄徒苦辛  
上國聞姓名不如山中人  
大宅滿六街此身入誰門  
愁心日散亂有似空中塵  
白露下長安百蟲鳴草根  
方當秋賦日却憶歸山村  
靜女頭欲白良媒況我鄰  
無令苦長歎長歎銷人魂

送友下第遊鴈門

相別灞水濱夾水柳依依  
我願醉如死不見君去時  
所詣星斗北直行到猶遲  
况復挈空囊求人悲

一作泣路一作恨

岐北門記室賢愛我學古詩待君如待我此事固不疑  
鴈門春色外四月鴈未歸主人拂金臺延客夜開扉舒  
君鬱鬱懷飲彼白玉卮若不化女子功名豈無期

讀史

平地見天涯登高天更遠功名及所望岐路又滿眼萬  
金買園林千金修池館他人厭遊覽身獨戀軒冕唯有  
漢二疏應覺還家晚

反賈客樂

樂府有賈客  
樂今反之

無言賈客樂賈客多無墓行舟觸風浪盡入魚腹去農  
夫更苦辛所以羨爾身

送李垣先輩歸嵩少舊居

第九句缺

高秋灞瀆路遊子多慘戚君於此地行獨以尋春色文  
章滿人口高第非苟得要路在長安歸山却為客

狂歌罷歎息我豈無故山千里同外國

苦寒吟

百泉凍皆咽我吟寒更切半夜倚喬松不覺滿衣雪竹

竿有甘苦我愛抱苦節鳥聲有悲歡我愛口流血潘生  
若解吟更早生白髮

上巳日

上巳曲江濱喧於市朝路相尋不見者此地皆相遇日  
光去此遠翠幕張如霧何事歡娛中易覺春城暮物情  
重一作愛此節不是愛芳樹明日花更多何人肯回顧

春臺

臺上樹陰合臺前流水多青春不出門坐見野田花誰

能學公子走馬逐香車六街塵滿衣鼓絕方還家

釣臺懷古

澄流可濯纓嚴子但垂綸孤坐九層石遠笑清渭濱潛  
龍飛上天四海豈無雲清氣不零雨安使洗一作澆塵氛

我來吟高風髣髴見斯人江月尚皎皎江石亦磷磷如  
何臺下路明日又迷津

勵志一作續  
勵志

白髮豈有情貴賤同日生二輪不暫駐似赴長安程前



堂吹麥差不作緱山聲後園植木槿月照無餘英及時  
立功德身後猶光明仲尼亦為土魯人焉敢耕

桑婦

牆下桑葉盡春蠶半未老城南路迢迢今日起更早四  
隣無去伴醉臥青樓曉妾顏不如誰所貴守婦道一春  
常在樹自覺身如鳥歸來見小姑新妝弄百草

上馬歎

羸馬行遲遲頑童去我遠時時一回顧不覺白日晚路

傍豪家宅樓上紅妝滿十月庭花開花前吹玉管君當  
未貴日豈不常屯蹇如何見布衣忽若塵入眼布衣豈  
常賤世事車輪轉

唐樂府十首

并序

唐樂府自送征夫至獻賀觴歌河湟之事也下土  
土貢臣駕生於唐二十八年獲見明天子以德歸  
河湟地臣得與天下夫婦復為太平人獨恨愚且  
賤蠕蠕泥土中不得從臣後拜舞稱于上前情有

所發莫能自抑作詩十章目曰唐樂府雖不足貢  
聲宗廟形容盛德而願與耕稼陶漁者歌田野江  
湖間亦足自快

送征夫

昔送征夫苦今送征夫樂寒衣縱攜去應向歸時着天  
子待功成別造凌煙閣

輸者謳

輓粟上高山高山若平地力盡心不怨同我家私事去

者不遑寧歸者唱歌行相逢古城下立語天未明一身  
遠出塞十口無稅征

弔西人

河湟父老地盡知歸明主將軍入空城城下弔黃土所  
願邊人耕歲歲生禾黍

邊軍過

城前兵馬過城裏人高卧官家自供給畏我田產破健  
兒食肥肉戰馬食新穀食飽物有餘所恨無兩腹草青

見軍過草白見軍回軍回人更多盡繫西戎來

望歸馬

東人望歸馬馬歸蓮峰下蓮峰與地平亦不更徵兵

祝河水

河水清瀾瀾照見遠樹枝征人不飲馬再拜祝馮夷從  
今億萬歲不見河濁時

田西邊

刀劒作鋤犁耕田古城下高秋禾黍多無地放羊馬

崑山

昔時王為寶崑山過不得今時王為塵崑山入中國白  
玉尚如塵誰肯愛金銀

樂邊人

在鄉身亦勞在邊腹亦飽父兄若一處任向邊頭老

獻賀觴

莫但取河湟河湟非邊疆願今日入處亦似天中央天  
子壽萬歲再拜獻此觴

且可憐行

第五句  
缺三字

園中花自早不信外無花良人未朝去先出登香車

五輪滿城聞嘔啞侍兒衣各別頭上金雀多祇是  
一家人路人疑千家過後香滿陌直到春日斜今朝且  
可憐莫問久如何

築臺

一作城

詞

漢武築通天  
臺役者苦之

前杵與後杵築城聲

一作功

不住我願築更高得見秦皇

墓

鄰女

君嫌鄰女醜取婦他鄉縣料嫁與君人亦為隣所賤  
菖蒲花可貴只為人難見

山中夜坐

半夜山雨過起來滿山月落盡醉處花荒溝水泱泱  
然惜春去似與故人別誰遣我多情壯年無鬢髮

秦娥

秦娥十四五面白於指爪羞人夜採桑驚起戴勝鳥



牧童

牧童見客拜山果懷中落晝日驅牛歸前溪風雨惡

古出塞

胡風不開花四氣多作雪北人尚凍死況我本南越古  
來沙漠地巡狩無遺轍九土耕不盡武皇猶征伐中天  
有高閣圖畫何時歇坐恐塞上山低於沙中一作骨上

寄遠

雪花豈結子徒滿連理枝嫁作一作與征人妻不得長相

隨去年君點行賤妾是新姬

一作歸

別早見未熟入夢無

定姿悄悄空閨中蛩聲繞羅幃得書喜猶甚况復見君時

下第後屏居長安書懷寄太原從事

別足豈更長良工隔千里故山彭蠡上歸夢向汾水低  
摧神氣盡僮僕心亦恥未達誰不然達者心思此行年  
忽已壯去老年更幾功名生不彰身歿豈為鬼纔看芳  
草歇即歎涼風起足馬未來期嘶聲尚在耳

# 早行

馬上續殘夢馬嘶時復驚心孤多所虞僮僕近我行棲  
禽未分散落月照古城莫羨居者閒

一作閒  
居者

冢一作  
溪邊

人已耕

## 青門路

青門有歸路坦坦高槐下貧賤自恥歸此地誰留我門  
開送客去落日嬾回馬旅食帝城中不如遠遊者舟成  
於陸地風水終相假吾道諒如斯立身無苟且

效古

融融芳景和杳杳春日斜  
嬌嬈不自持清唱頻雙蛾終  
曲翻成泣新人下香車新人  
且莫喜故人曾如此燕趙  
猶生女郎豈有終始

戰城南

城南征戰多城北無飢鴉  
白骨馬蹄下誰言皆有家  
城前水聲苦倏忽流萬古  
莫爭城外城

一作地 城裏終一作有

門土

曲江春霽

宿雨洗秦樹舊花如新開池邊草未乾日照人馬來馬  
蹄踏流水漸漸成塵埃鴛鴦不敢下飛繞岼東西此地  
喧仍舊歸人亦滿街

贈先達

終南蒼翠好未必如故山心期在榮名三載居長安昔  
蒙大雅匠勉我工五言業成時不重辛苦只自憐皎皎  
機上絲盡作秦箏弦貧女皆罷織富人豈不寒驚風起

長波浩浩何時還待君

一作誰人

當要路一指王化源

有感

弓劍不自行難引河湟思將軍半夜飲十里聞歌吹高

門

一作行

幾世宅舞袖仍新賜誰遣一書來燈前問邊事

姑蘇臺

一作吳中懷古

勾踐飲膽日吳酒正

一作香

滿杯

一作吳王酒滿杯

笙歌入海雲

聲自姑蘇來西施舞初罷侍兒整金釵衆女不敢妒自  
比泉下泥越鼓聲騰騰吳天隔塵埃難將甬東地更學

會稽樓

紀事  
止此

霸跡一朝盡草中棠梨開

豪家

九陌槐葉盡青春在豪家嬌鶯不出城長宿庭上花高樓登夜半已見南山多恩深勢自然不是愛驕奢

山中有招

朗朗山月出塵中事由生人心雖不閒九陌夜無行學古以求聞有如石上耕齊姜早作婦豈識閨中情何如此幽居地僻人不爭嘉樹自昔有茅屋因我成取薪不

出門采藥於前庭春花雖無種枕席芙蓉馨君來食葵  
藿天爵豈不榮

空城雀

飢啄空城土莫近太倉粟一粒未充腸却入公子腹且

弔城上骨

一作客

幾曾害

一作空

爾族不聞莊辛語今日寒

蕪綠

馮叟居

天作馮叟居山僧尚嫌僻開門因兩樹結宇倚翠壁溪



南有微徑時遇採芝客往往白雲生對面千里隔機忘

若僮僕常與猿鳥劇曬藥上小峰庭深無日色自忘一作

從歸鄉里

一作自從  
忘歸鄉

不見新舊

一作舊

戚纍纍子孫墓秋

風吹古栢

醒後

醉卧芳草間酒醒日落後壺觴半傾覆客去應已久不  
記折花時何得花在手

棄婦

回車在門前欲上心更悲路傍見花發似妾初嫁時養  
蠶已成繭織素猶在機新人應笑此何如畫蛾眉昨日  
惜紅顏今日畏老遲良媒去不遠此恨今告誰

送李殷遊邊

一作送李  
殷遊西京

十年夢相識一覲

一作  
覲

俄遠

一作  
見

別征駕在我傍草草

意難說君居洞庭日詩句滿魏闕如何萬里來青桂看

人折行裝不及備西去偶然訣

一作  
成決

孟夏出都門紅塵

客衣熱荒城見羊馬野館具薇蕨邊境漸無虞旅宿常

待月西園置酒地  
日夕簪裾列壯志  
安可留槐花樽前  
發

江村

江水灌稻田  
饑年稻亦熟  
舟中愛桑麻  
日午因成宿  
相承幾十代  
居止連茅屋  
四隣不相離  
安肯去骨肉  
書生說太苦  
客路常在目  
縱使富貴還  
交親幾墳綠

出門

出門羨他人  
奔走如得塗  
翻思他人意  
與我或不殊  
以

茲聊自安默默行九衢生計逐羸馬每出似移居客從  
我鄉來但得鄰里書田園幾換主夢歸猶荷鋤進猶希  
萬一退復何所如況今闢公道安得不躊躇

別道者

自君入城市北邙無新墳始信壺中藥不落白楊根如  
何忽告歸薜蘿華還笑人玉笙無遺音悵望緱嶺雲

蘭昌宮

宮蘭非瑤草安得春長在回首春又歸翠華一作葉不能

待悲風生輦路山川寂已晦邊恨在行人行人無盡歲

送友人擢第東歸

同家楚天南

一作涯

相識秦雲西古來懸弧義豈顧子與

妻攜手踐名場正遇公道開君榮

一作昇

我雖黜感恩同

所懷有馬不復羸有奴不復飢灞岸秋草綠

一作槐花落

却

是還家時青門一瓢空分手去遲遲期君轍未平我車

繼東歸

久客

久客心易足主人有餘力如何昨宵夢到曉家山色南  
音入誰耳曲盡頭自白

秋夕

促織燈下吟燈光冷於水鄉魂坐中去倚壁身如死求  
名為骨肉骨肉萬餘里富貴在何時離別今如此出門  
長歎息月白西風起

效陶

兩曜無停馭蓬壺應有墓何況北邙山

一作邙山色

只近市

朝一作井路大恢生死網飛走無逃處白髮忽已新紅顏

豈如故我有杯中物可以消萬慮醉舞一作袖日婆娑誰

能記朝暮如求神仙藥階下亦種黍但使長兀然始見

天地祖

長門怨一作張喬詩

御泉長繞鳳凰樓只是恩波別處流聞採舞衣歸未得  
夜來砧杵六宮秋

苦寒行

嚴寒動八荒刺刺一作荊荊無休時陽鳥不自暖雪壓扶桑  
枝歲暮寒益壯青春安得歸朔鴈到南海越禽何處飛  
誰言貧士歎不為身無衣

琪樹下因吟六韻呈先達者

舉世愛嘉樹此樹何人識清秋遠山意偶向亭際得奇

柯交若闔珎

一作生

葉

一作世業

密如織塵中尚青蔥更想塵

外色所宜巢三鳥影入瑤池碧移根豈無時一問紫烟

客



送人登第東歸

學古既到古反求鑒者難見詩未識君疑生建安前海  
畔豈無家終難成故山得失雖由命世途多險艱我皇  
追古風文柄付大賢此時如為君果在甲科間晚達多  
早貴舉世咸為然一夕顏却少雖病心且安所居似清  
明冷竈起新烟高情懶行樂花盛僕馬前歸程不淹留  
指期到田園香醪四鄰熟霜橘千株繁肯憶長安夜論  
詩風雪寒

賈客詞

賈客燈下起猶言發已遲高山有疾路暗行終不疑寇  
盜伏其路猛獸來相追金玉四散去空囊委路岐揚州  
有大宅白骨無地歸少婦當此日對鏡弄花枝

塞下曲

勒兵遼水邊風急卷旌旃絕塞陰無草平沙去盡天下  
營看斗建傳號信狼烟聖代書青史當時破虜年

春夜二首

一本無二首二字  
次首題作秋懷

一別杜陵歸未期  
祇憑魂夢接親知  
近來欲睡兼難睡  
夜夜夜深聞子規

幾

一作歲

歲干戈阻路歧  
憶山心切與心違  
時難何處披

裹抱日日斜空醉歸

鄣中感懷

頃年曾住此中來  
今日重遊事可哀  
憶得幾家歡宴處  
家家家業盡成灰

曉登

一本有成都二字

迎春閣

未櫛凭欄眺錦城  
烟籠萬井二江明  
香風滿閣花滿樹  
樹樹樹梢啼曉鶯

白髭

到處逢人求至藥  
幾回染了又成絲  
素絲易染髭難染  
墨翟當年合泣髭

送盧使君赴夔州

鏡管隨征旆  
高秋上遠巴  
白波連霧雨  
青壁斷蘆葭  
凭几雙瞳靜  
登樓萬井斜  
政成知俗變  
當應畫輪車

望月

清秋新霽與君同  
江上高樓倚碧空  
酒盡露零賓客散  
更更更漏月明中

古意

蒲帆出浦去  
但見浦邊樹  
不如馬行郎  
馬跡猶在路  
大舟不相載  
買宅令委住  
莫道留金多  
本非愛郎富

御定全唐詩卷五百八十五

欽定四庫全書

御定全唐詩卷五百八十六

劉滄

劉滄字蘊靈魯人大中八年進士第調華原尉遷龍門  
令詩一卷

長洲懷古

野燒原空盡荻灰吳王此地有樓臺千年事往人何在  
半夜月明潮自來白鳥影從江樹沒清猿聲入楚雲哀

停車日晚薦蘋藻風靜寒塘花正開

經煬帝行宮

此地曾經翠輦過浮雲流水竟如何香銷南國美人盡  
怨入東風芳草多殘柳宮前空露葉夕陽川上浩烟波  
行人遙起廣陵思古渡月明聞棹歌

春日遊嘉陵江

獨泛扁舟映綠楊嘉陵江水色蒼蒼行看芳草故鄉遠  
坐對落花春日長曲岸危檣移渡影暮天樓鳥入山光



今來誰識東歸意把酒閒吟思洛陽

秋日山齋書懷

啟戶清風枕簟幽蟲絲吹落挂簾鉤蟬吟高樹雨初霽  
人憶故鄉山正秋浩渺蒹葭連夕照蕭疎楊柳隔沙洲  
空將方寸荷知己身寄烟蘿恩未酬

晚秋洛陽客舍

清洛平分兩岸沙沙邊水色近人家隋朝古陌銅駝柳  
石氏荒原金谷花庭葉霜濃悲遠客宮城日晚度寒鴉

未成歸計關河阻空望白雲鄉路賒

深愁喜友人至

不避驅羸道路長青山同喜惜年光燈前話舊堦草夜  
月下醉吟谿樹霜落葉已經寒燒盡衡門猶對古城荒  
此身未遂歸休計一半生涯寄岳陽

秋日望西陽

古木蒼苔墜幾層行人一望旅情增太行山下黃河水  
銅雀臺西武帝陵風入蒹葭秋色動雨餘楊柳暮烟凝

野花似泣紅妝淚寒露滿枝枝不勝

鄴都懷古

昔時霸業何蕭索古木唯多鳥雀聲芳草自生宮殿處  
牧童誰識帝王城殘春楊柳長川迥落日蒹葭遠水平  
一望青山便惆悵西陵無主月空明

題龍門僧房

靜室遙臨伊水東寂寥誰與此身同禹門山色度寒磬  
蕭寺竹聲來晚風僧宿石龕殘雪在鴈歸沙渚夕陽空

偶將心地問高士坐指浮生一夢中

秋夕山齋即事

衡門無事閉蒼苔籬下蕭疎野菊開  
半夜秋風江色動滿山寒葉雨聲來  
鴈飛關塞霜初落書寄鄉閭人一作客  
未迴獨坐高窗此時節一彈瑤瑟自成哀

江行書事

遠渚蒹葭覆綠苔姑蘇南望思裴徊  
空江獨樹楚山背暮雨一一作孤  
舟吳苑來人度深秋風葉落鳥飛殘照水

烟開寒潮欲上泛萍藻寄薦三閭情自哀

過鑄鼎原

黃帝修真萬國朝鼎成龍駕上丹霄天風乍起鶴聲遠  
海霧漸深龍節遙仙界日長青鳥度御衣香散紫霞飄  
唯留古跡寒原在碧水蒼蒼空寂寥

秋日寓懷

海上生涯一釣舟偶因名利事淹留旅途誰見客青眼  
故國幾多人白頭霽色滿川明水驛蟬聲落日隱城樓

如何未盡此行役西入潼關雲木秋

江城晚望

一望江城思有餘遙分野逕入樵漁青山經雨菊花盡  
白鳥下灘蘆葉疎靜聽潮聲寒木杪遠看風色暮帆舒  
秋期又涉潼關路不得年年向此居

宿蒼谿館

孤館門開對碧岑竹窗燈下聽猿吟巴山夜雨別離夢  
秦塞舊山迢遞心滿地莓苔生近水幾株楊柳自成陰

空思知己隔雲嶺鄉路獨歸春草深

題王母廟

寂寥珠翠想遺聲門掩煙微水殿清拂曙紫霞生古壁  
何年絳節下層城鶴歸遼海春光晚花落閒堦夕雨晴  
武帝無名在仙籍玉壇星月夜空明

留別復本修古二上人

二遠相知是昔年此身長寄禮香烟綠蕪風晚水邊寺  
清磬月高林下禪臺殿虛窗山翠入梧桐疎葉露光懸

西峰話別又須去終日關山在馬前

邊思

漢將邊方背轆轤受降城北是單于黃河晚凍雪風急  
野火遠燒山木枯偷號甲兵衝塞色銜枚戰馬踏寒蕪  
蛾眉一沒空留怨青塚月明啼夜烏

登龍門敬善寺閣

獨步危梯入杳冥天風瀟灑拂簷楹禹門煙樹正春色  
少室雲屏向晚晴花落院深清禁閉水分川濶綠蕪平



瑣窗朱檻同仙界半夜緱山有鶴聲

題王校書山齋

猿鳥無聲晝掩扉寒原隔水到人稀  
雲晴古木月初上雪滿空庭鶴未歸  
藥園一作園地連山色近樵家路入樹

烟微栖遲慣得滄浪思雲閣還應夢釣磯

浙江晚渡懷古

蟬噪秋風滿古隄荻花寒渡思萋萋  
潮聲歸海鳥初下草色連江人自迷  
碧落晴分平楚外青山晚出穆陵西

此來一見垂綸者卻憶舊居明月溪

及第後宴曲江

及第新春選勝遊杏園初宴曲江頭紫毫粉壁題仙籍  
柳色簫聲拂御樓霽景露光明遠岫晚空山翠墜芳洲  
歸時不省花間醉綺陌香車似水流

秋日山寺懷友人

蕭寺樓臺對夕陰淡烟疎磬散空林風生寒渚白蘋動  
霜落秋山黃葉深雲盡獨看晴塞鴈月明遙聽遠村砧

相思不見又經歲坐向松窗彈玉琴

八月十五日夜玩月

中秋朗月靜天河烏鵲南飛客恨多  
寒色滿窗明枕簟清光凝露拂烟蘿  
桂枝斜漢流靈魄蘋葉微風動細波  
此夜空亭聞木落蒹葭霜磧鴈初過

晚春宿僧院

蕭寺春風正落花淹留數宿惠休家  
碧空雲盡磬聲遠清夜月高窗影斜  
白日一作社閒吟為道侶青山遙指是

生涯微微一點寒燈在鄉夢不成聞曙鷄

懷汶陽兄弟

回看雲嶺思茫茫幾處

一作度

關河隔汶陽書信經年鄉

國遠弟兄無力海田荒天高霜月砧聲苦風滿寒林木  
葉黃終日路岐歸未得秋來空羨鴈成行

題天宮寺閣

丹闕侵霄壯復危排空霞影動簷扉城連伊水禹門近  
烟隔上陽宮樹微天歛暮雲殘雨歇路穿春草一僧歸

此來閒望更何有無限清風生客衣

遊上方石窟寺

苔徑縈迴景漸分  
脩然空界靜埃氛  
一聲疎磬過寒水  
半壁危樓隱白雲  
雪下石龕僧在定  
日西山木鳥成羣  
幾來吟嘯立朱檻  
風起天香處處聞

懷江南友人

久絕音書隔塞塵  
路岐誰與子相親  
愁中獨坐秦城夜  
別後幾經吳苑春  
湘岸風來吹綠綺  
海門潮上沒青蘋

空勞兩地望明月多感斷蓬千里身

題敬亭山廟

森森古木列巖隈迴壓寒原霽色開雲雨只從山上起  
風雷多向廟中來三江入海聲長在雙鶴啼天影未迴  
花落空庭春晝晚石牀松殿滿青苔

經麻姑山

麻姑此地鍊神丹寂寞煙霞古竈殘一自仙娥歸碧落  
幾年春雨洗紅蘭帆飛震澤秋江遠雨過陵陽晚樹寒

山頂白雲千萬片時聞鸞鶴下仙壇

對殘春

楊花漠漠暗長隄春盡人愁鳥又啼  
鬢髮近來生處白家園幾向夢中迷  
霏微遠樹荒郊外牢落空城夕照西  
唯有年光堪自惜不勝烟草日萋萋

過滄浪峽

山疊雲重一徑幽蒼苔古石瀨清流出巖樹色見來靜  
落澗泉聲長自秋遠入虛明思白帝寒生浩景想滄洲

如何地近東西路馬足車輪不暫留

經過建業

六代興衰曾此地西風露泣白蘋花  
烟波浩渺空亡國楊柳蕭條有幾家  
楚塞秋光晴入樹浙江殘雨晚生霞  
淒涼處處漁樵路鳥去人歸山影斜

贈道者

真趣淡然居物外忘機多是隱天台  
停燈深夜看仙錄拂石高秋坐釣臺  
賣藥故人湘水別入簷栖鳥舊山來



無因朝市知名姓地僻衡門對嶽開

題馬太尉華山莊

別開池館背山陰近得幽奇物外心竹色拂雲連嶽寺  
泉聲帶雨出谿林一庭楊柳春光暖三徑烟

一作春  
作松蘿

晚翠深自是功成閒劍履西齋長卧對瑤琴

秋日夜懷

砧杵寥寥秋色長遶枝寒鵲客情傷關山雲盡九秋月  
門柳葉凋三徑霜近日每思歸少室故人遙憶隔瀟湘

如何節候變容髮明鏡一看愁異常

題巫山廟

十二嵐峯挂夕暉廟門深閉霧烟微  
天高木落楚人思  
山迴月殘神女歸  
縹石晴雲凝翠鬢  
度江寒雨濕羅衣  
嬋娟似恨襄王夢  
猿呌斷巖秋蘚稀

題吳宮苑

吳苑荒涼故國名  
吳山月上照江明  
殘春碧樹自留影  
半夜子規何處聲  
蘆葉長侵洲渚暗  
蘋花開盡水烟平

經過此地千年恨  
荏苒東風

一作流

露色清

旅館書懷

秋看庭樹換風烟  
兄弟飄零寄海邊  
客計倦行分峽路  
家貧休種汶陽田  
雲低遠塞鳴寒鴈  
雨歇空山噪暮蟬  
落葉蟲絲滿窗戶  
秋堂獨坐思悠然

贈天台隱者

靜者多依猿鳥叢  
衡門野色四郊通  
天開宿霧海生日  
水泛落花山有風  
迴望一巢懸木末  
獨尋危石坐巖中

看書飲酒餘無事自樂樵漁狎

一作名

釣翁

洛陽月夜書懷

疎柳高槐古巷通月明西照上陽宮一聲邊鴈塞門雪  
幾處遠砧河漢風獨榻閒眠移嶽影寒窗幽思度烟空  
孤吟此夕驚秋晚落葉殘花樹色中

江行夜泊

白浪連空極渺漫孤舟此夜泊中灘岳陽秋霽寺鐘遠  
渡口月明漁火殘綠綺韻高湘女怨青葭色映水禽寒

鄉遙楚國生歸思欲曙山光上木蘭

贈顓頊山人

浩氣含真玉片輝著書精義入玄微  
洛陽紫陌幾曾醉少室白雲時一歸  
松雪月高唯鶴宿烟嵐秋霽到人稀  
知君濟世有長策莫問滄浪隱釣磯

長安冬夜書情

上國棲遲歲欲終此情多寄寂寥中  
鐘傳半夜旅人館鷄叫一聲疎樹風  
古巷月高山色靜寒蕪霜落灞原空

今來唯問心期事，獨望青雲路未通。

經古行宮

玉輦西歸已至今，古原風景自沉沉。  
御溝流水長芳草，宮樹落花空夕陰。  
蝴蝶翅翻殘露滴，子規聲盡野烟深。  
路人不記當年事，臺殿寂寥山影侵。

秋日登醴泉縣樓

門上高樓時一望，綠蕪寒野靜中分。  
人行直路入秦樹，鴈截斜陽背塞雲。  
渭水自流汀島色，漢陵空長石苔紋。

秋風高柳出危葉獨聽蟬聲日欲照

春日旅遊

玄髮辭家事遠遊春風歸鴈一聲愁  
花開忽憶故山樹月上自登臨水樓  
浩浩晴原人獨去依依春草水分流  
秦川楚塞烟波隔怨別路岐何日休

送友人下第歸吳

共惜年華未立名路岐終日軫羈情  
青春半是往來盡白髮多因離別生  
楚岸帆開雲樹映吳門月上水烟清

東歸自有故山約  
花落石林苔蘚平

訪友人郊居

登原過水訪相如  
竹塢莎庭似故居  
空塞山當清晝晚  
古槐人繼綠陰餘  
休彈瑟韻傷離思  
已有蟬聲報夏初  
醉唱勞歌翻自歎  
釣船漁浦夢難疎

匡城尋薛閑秀才不遇

音容一別近三年  
往事空思意浩然  
足馬東西何處客  
孤城楊柳晚來蟬  
路長草色秋山綠  
川濶晴光遠水連



不見故人勞夢寐獨吟風月過南燕

與僧話舊

巾舄同時下翠微舊遊因話事多違南朝古寺幾僧在

西

一作北

嶺空林唯鳥歸莎徑晚烟凝竹塢石池春色染

苔衣此時相見又相別即是關河朔鴈飛

寄遠

西園楊柳暗驚秋寶瑟朱弦結遠愁霜落鴈聲來紫塞  
月明人夢在青樓蕙心迢遞湘雲暮蘭思縈迴楚水流

錦字織成添別恨  
關河萬里路悠悠

長安逢友人

上國相逢塵滿襟  
傾杯一話昔年心  
荒臺共望秋山立  
古寺多同雪夜吟  
風度重城宮漏盡  
月明高柳禁烟深  
終期白日青雲路  
休感鬢毛霜雪侵

下第東歸途中書事

峽路誰知倦此情  
往來多是半年程  
孤吟洛苑逢春盡  
幾向秦城見月明  
高柳斷烟侵嶽影  
古隄斜日背灘聲

東歸海上有餘業牢落田園荒草平

經龍門廢寺

因思人事事無窮幾度經過感此中山色不移樓殿盡  
石臺依舊水雲空唯餘芳草滴春露時有殘花落晚風  
楊柳覆灘清瀨響暮天沙鳥自西東

下第後懷舊居

幾到青門未立名芳時多負故鄉情雨餘秦苑綠蕪合  
春盡灞原白髮生每見山泉長屬意終期身事在歸耕

蘋花覆水曲溪暮獨坐釣舟歌月明

經無可舊居兼傷賈島

塵室寒窗我獨看別來人事幾凋殘  
畫空蕭寺一僧去雪滿巴山孤客寒  
落葉隨巢禽自出蒼苔封砌竹成竿  
碧雲迢遰長江遠向夕苦吟歸思難

贈隱者

何時止此幽棲處獨掩衡門長綠苔  
臨水靜聞靈鶴語  
隔原時有至人來五湖仙島幾年別  
九轉藥爐深夜開

誰識無機養真性醉眠松石枕空杯

題書齋

一日不曾離此處風吹疎牖夕雲晴氣凌霜色劒光動  
吟對雪華詩韵清高木宿禽來遠嶽古原殘雨隔重城  
西齋瑤瑟自為侶門掩半春苔蘚生

題秦女樓

珠翠香銷鴛瓦墮神仙曾向此中遊青樓月色桂花冷  
碧落蕭聲雲葉愁杳杳蓬萊人不見蒼蒼苔蘚路空留

一從鳳去千年後迢遞岐山水石秋

題桃源處士山居留寄

白雲深處葺茅廬退隱衡門與俗疎  
一洞曉烟留水上  
滿庭春露落花初閒看竹嶼吟新月  
特酌山醪讀古書  
窮達盡為身外事浩然元氣樂樵漁

宿題天壇觀

沐髮清齋宿洞宮桂花松韻滿巖風  
紫霞曉色秋山霽  
碧落寒光霜月空華表鶴聲天外迴  
蓬萊仙界海門通

冥心一悟虛無理寂寞玄珠象罔中

洛神怨

子建東歸恨思長飄飄神女步池塘雲鬟高動水宮影  
珠翠乍搖沙露光心寄碧沉空婉戀夢殘春色自悠揚  
停車綺陌傍楊柳片月青樓落未央

龍門留別道友

一顧恩深荷道安獨垂雙淚下層巒飛鳴北鴈塞雲暮  
搖落西風關樹寒春谷終期吹羽翼萍身不定逐波瀾

裴徊偏起舊枝戀半夜獨吟孤燭殘

題四皓廟

石壁蒼苔翠靄濃驅車商洛想遺踪天高猿叫向山月  
露下鶴聲來廟松葉墮陰巖疎薜荔池經秋雨老芙蓉  
雪髯仙侶何深隱千古寂寥雲水重

望未央宮

西上秦原見未央山嵐川色晚蒼蒼雲樓欲動入清渭  
鴛瓦如飛出綠楊舞席歌塵空歲月宮花春草滿池塘



香風吹落天人語綵鳳五雲朝漢皇

秋日過昭陵

寢廟徒悲劒與冠翠華龍馭杳漫漫原分山勢入空塞  
地匝松陰出晚寒上界鼎成雲縹緲西陵舞罷淚闌干  
那堪獨立斜陽裏碧落秋光烟樹殘

夏日登慈恩寺

金界時來一訪僧天香飄翠瑣窗凝碧池靜照寒松影  
清晝深懸古殿燈晚景風蟬催節候高空雲鳥度軒層

塵機消盡話玄理暮磬出林疎韻澄

宿題金山寺

一點青山翠色危雲巖不掩與星期海門烟樹潮歸後  
江面山樓月照時獨鶴唳空秋露下高僧入定夜猿知  
蕭疎水木清鐘梵顯氣寒光動石池

送友人遊蜀

北去西遊春未半蜀山雲雪入詩情青蘿拂水花流影  
翠靄隔巖猿有聲日出空江分遠浪鳥歸高木認孤城

心期萬里無勞倦古石蒼苔峽路清

題鄭中丞東溪

一境新開雉堞西綠苔微徑露淒淒高軒夜靜竹聲遠  
曲岼春深楊柳低山霽月明常此醉草芳花暗省曾迷  
即隨鳳詔歸清列幾憶風花夢小溪

代友人悼姬

羅帳香微冷錦裯歌聲永絕想梁塵蕭郎獨宿落花夜  
謝女不歸明月春青鳥罷傳相寄字碧江無復採蓮人

滿庭芳草坐成恨迢遞蓬萊入夢頻

夏日登西林白上人樓

幾到西林清淨境層臺高視有無間  
寒光遠動天邊水碧影出空烟外  
山苔點落花微萼在葉藏幽鳥碎聲聞  
曠然多慊登樓意永日重門深掩闌

江樓月夜聞笛

南浦蒹葭疎雨後寂寥橫笛怨江樓  
思飄明月浪花白聲入碧雲楓葉秋  
河漢夜闌孤鴈度瀟湘水濶二妃愁

髮寒衣濕曲初罷露色河光生釣舟

送友人下第東歸

漠漠楊花灞岸飛幾迴傾酒話東歸九衢春盡生鄉夢  
千里塵多滿客衣流水雨餘芳草合空山月晚白雲微  
金門自有西來約莫待螢光照竹扉

從鄭郎中高州遊東潭

烟嵐晚入濕旌旗高檻風清醉未歸夾路野花迎馬首  
出林山鳥向人飛一溪寒水涵清淺幾處晴雲度翠微

自是謝公心近得登樓望月思依依

罷華原尉上座主尚書

自憐生計事悠悠浩渺滄浪一釣舟  
千里夢歸清洛近三年官罷杜陵秋  
山連絕塞渾無色水到平沙幾處流  
白露黃花歲時晚不堪霜鬢鏡前愁

雨後遊南門寺

郭南山寺雨初晴上界尋僧竹裏行  
半壁樓臺秋月過

一作迴

一川烟水夕陽平苔封石室雲含潤  
露滴松枝鶴

有聲木葉蕭蕭動歸思西風畫角漢東城

題古寺

古寺蕭條偶宿期更深霜壓竹枝低長天月影高窗過  
疎樹寒鴉半夜啼池水竭來龍已去老松枯處鶴猶棲  
傷心可惜從前事寥落朱廊墮粉泥

晚秋野望

秋盡郊原情自哀菊花寂寞晚仍開高風疎葉帶霜落  
一鴈寒聲背水來荒壘幾年經戰後故山終日望書回

歸途休問從前事獨唱勞歌醉數杯

秋月望上陽宮

苔色輕塵鎖洞房  
亂鴉羣鴿集殘陽  
青山空出禁城日  
黃葉自飛宮樹霜  
御路幾年香輦去  
天津終日水聲長  
此時獨立意難盡  
正值西風砧杵涼

入關留別主人

此來多愧食魚心  
東閣將辭強一吟  
羸馬客程秋草合  
晚蟬關樹古槐深  
風生野渡河聲急  
鴈過寒原嶽勢侵



對酒相看自無語，幾多離思入瑤琴。

留別山中友人

欲辭松月戀知音，去住多同羈鳥心。  
秋盡書窗驚白髮，晚衝霜葉下青岑。  
大河風急寒聲遠，高嶺雲開夕影深。  
別後寂寥無限意，野花門路草蟲吟。

春晚旅次有懷

晚出關河綠野平，依依雲樹動鄉情。  
殘春花盡黃鶯語，遠客愁多白髮生。  
野水亂流臨古驛，斷烟凝處近孤城。

東西未遂歸田計海上青山久廢耕

與重幽上人話舊

雲飛天末水空流省與師同別異州庭樹蟬聲初入夏  
石牀苔色幾經秋燈微靜室生鄉思月上嚴城話旅遊  
自喜他年接巾舄滄浪地近虎溪頭

月夜聞鶴唳

碧落風微月正明霜毛似怨有離情莓苔石冷想孤立  
楊柳葉疎聞轉清空夜露殘驚墮羽遼天秋晚憶歸程

鳳凰樓閣知猶戀終逐烟霞上玉京

過北邙山

散漫黃埃滿北原折碑橫路碾苔痕空山夜月來松影  
荒塚春風變木根漠漠兔絲羅古廟翩翩丹旆過孤村  
白楊落日悲風起蕭索寒巢鳥獨奔

咸陽懷古

經過此地無窮事一望淒然感廢興渭水故都秦二世  
咸原秋草漢諸陵天空絕塞聞邊鴈葉盡孤村見夜燈

風景蒼蒼多少恨寒山半出白雲層

送友人罷舉赴薊門從事

人生行止在知己遠佐諸侯重所依  
綠綬便當身是貴青霄休怨志相違  
晚雲遼水疎殘雨寒角邊城怨落暉  
此去黃金臺上客相思應羨鴈南歸

看榜日

禁漏初停蘭省開列仙名目上清來  
飛鳴曉日鶯聲遠變化春風鶴影回  
廣陌萬人生喜色曲江千樹發寒梅

青雲已是酬恩處莫惜芳時醉酒杯

送李休秀才歸嶺中

南泛孤舟景自饒蒹葭汀浦晚蕭蕭秋風漢水旅愁起  
寒木楚山歸思遙獨夜猿聲和落葉晴一作空江月色帶

回潮故園新過重陽節黃菊滿籬應未凋

寓居寄友人

雨餘虛館竹陰清獨坐書窗軫旅情芳草衡門無馬跡  
古槐深巷有蟬聲夕陽雲盡嵩峰出遠岫烟消洛水平

今夜南原賞佳景月高風定苦吟生

經曲阜城

行經闕里自堪傷曾歎東流逝水長  
蘿蔓幾凋荒隴樹莓苔多處古宮牆  
三千弟子標青史萬代先生號素王  
蕭索風高洙泗上秋山明月夜蒼蒼

汶陽客舍

年光自感益蹉跎岐路東西竟若何  
窗外雨來山色近海邊秋至鴈聲多  
思鄉每讀登樓賦對月空吟叩角歌

迢遞舊山伊水畔  
破齋荒徑閉烟蘿

留別崔澣秀才昆仲

汶陽離思水無窮  
去住情深夢寐中  
歲晚蟲鳴寒露草  
日西蟬噪古槐風  
川分遠岳秋光靜  
雲盡遙天霽色空  
對酒不能傷此別  
尺書憑鴈往來通

和友人憶洞庭舊居

客舍經時益苦吟  
洞庭猶憶在前林  
青山殘月有歸夢  
碧落片雲生遠心  
溪路烟開江月出  
草堂門掩海濤深

因君話舊起愁思隔水數聲何處砧

晚歸山居

寥落霜空木葉稀初行郊野思依依秋深頻憶故鄉事  
日暮獨尋荒徑歸山影暗隨雲水動鐘聲潛入遠烟微  
娟娟唯有西林月不惜清光照竹扉

送元叙上人歸上黨

時節鎮  
罷兵


太行關路戰塵收白日思鄉別沃州薄暮焚香臨野燒  
清晨漱齒涉寒流溪邊殘壘空雲木山上孤城對驛樓



海曙雲浮日江遙水合天

發浙江  
詩人玉屑

見



御定全唐詩卷五百八十六

此去寂寥尋舊跡蒼苔滿徑竹齋秋

秋日旅途即事

驅羸多自感烟草遠郊平鄉路幾時盡旅人終日行渡  
邊寒水驛山下夕陽城蕭索更何有秋風兩一作向鬢生

早行

旅途乘早景

一作起

策馬獨淒淒殘影郡樓月一聲關樹

雞聽鐘烟柳外問渡水雲西當自勉行役終期功業齊

句

欽定四庫全書

集部

御定全唐詩卷五百八十七至九

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官中書臣陸湘

謄錄監生臣吳鵬

欽定四庫全書卷

御定全唐詩卷五百八十七

李頻

李頻字德新睦州壽昌人少秀悟逮長廬西山多所記覽其屬辭於詩尤長給事中姚合名為詩士多歸重頻走千里丐其品合大加獎挹以女妻之大中八年擢進士第調秘書郎為南陵主簿判入等再遷武功令俄擢侍御史守法不阿徇累遷都官員外郎表丐建州刺史

以禮法治下建賴以安卒官父老為立廟黎山歲祠之  
有建州刺史集一卷又號黎岳集今編為三卷

湘口送友人

中流欲暮見湘烟葦岫無窮接楚田

一作天

去雁遠衝雲

夢雪

一作澤

離人獨上洞庭船風波盡日依山轉星漢通

霄向水連零落梅花過殘臘

一作回首羨君偏有我

故園歸醉及

一作去醉  
一作去又新年

鄂州頭陀寺上方

高寺上方無不見天涯行客思迢迢西江帆挂

一作東過

風急夏口城銜

一作銜

楚塞遙沙渚漁歸多濕網桑林蠶

後盡空條感時歎物尋僧話

一作語

惟

一作誰

向禪心得寂

寥

### 寄遠

槐欲成陰分袂時君期十日復金扉槐今落葉已將盡

君向遠鄉

一作方

猶未歸化石早曾聞節婦沈湘何必獨

靈妃須知此意同生死不學他人空寄衣

題張司馬別墅

庭前樹盡手中栽，先後花分幾番開。  
巢鳥戀雛驚不起，野人思酒去還來。  
自拋官與青山近，誰訝一作料身為白一作身。

疑日一作

催門外尋常行樂處，重重履跡在莓苔。

長安即事

長遇豪家不敢過，此身誰與取高科。  
故園久絕書來後，南國空看雁去多。  
中夜永懷聽壑漏，先秋歸夢涉層波。  
愁人白髮自生早，我獨少年能幾何。

漢上逢同年崔八

去歲曾一作同

遊帝里

春杏花開過各離秦偶先託質逢

知己獨未還家作旅人世上路岐何繚繞空中光景自

逡巡一回相見一回別能一作更

得幾時

一作迴

年少身

五月一日蒙替本官不得隨例入闕感懷獻送

相公

五月傾朝謁紫宸一朝無分在清塵含香已去星郎位  
衣錦惟思婺女隣折獄也曾為俗吏勸農元本是耕人



知將何事酬公道只養生靈似養身

春閨怨

紅妝女兒

一作粉兒女

燈下羞畫眉夫婿隴西頭自怨愁容

長照鏡悔教征戍覓封侯

送邊將

防秋戎馬恐來奔詔發將軍出雁門遙領短兵登隴首  
獨橫長劒向河源悠揚落日黃雲動蒼莽陰風白草翻  
若縱干戈更深入應聞收得到崑崙

太和公主還宮

天驕發使犯邊塵  
漢將推功遂奪親  
離亂應無初去貌  
死生難有却回身  
禁花半老曾攀樹  
宮女多非舊識人  
重上鳳樓追故事  
幾多愁思向青春

將赴黔州先寄本府中丞

八月瞿塘到底翻  
孤舟上得已銷魂  
幕中職罷猶趨府  
闕下官成未謝恩  
丹嶂聳空無過鳥  
青林覆水有垂猿  
感知肺腑終難說  
從此辭歸使掃門

和友人下第北遊感懷

聖代為儒可致身誰知又別五陵春青門獨出

一作空步

歸鳥紫陌相逢盡醉人江島去尋垂釣遠塞山來見舉頭頻且須共漉邊城酒何必陶家有白綸

樂遊原春望

五陵佳氣晚氛氲霸業雄圖勢自分秦地山河連楚塞漢家宮

一作樓

殿入青雲未央樹色春中見長樂鐘聲月

下聞無那楊華起愁思滿天飄落雪紛紛

黃雀行

欲竊高倉集御河  
翩翩疑渡畏秋波  
朱宮晚樹侵鶯語  
畫閣香簾奪燕窠  
疎影暗棲寒露重  
空城飢噪暮烟多  
誰令不解高飛去  
破宅荒庭有網羅

長安寓居寄柏侍郎

霜輕兩鬢欲相侵  
愁緒無端不可尋  
秦女紅妝空覓伴  
郢郎白雪少知音  
長亭古木春先老  
太華青烟一作晚  
更深獨向灞陵東  
北望一封書寄萬重心

春日思歸

春情不斷若連環  
一夕思歸鬢欲斑  
壯志未酬三尺劍  
故鄉空隔萬重山  
音書斷絕干戈後  
親友相逢夢寐間  
却羨浮雲與飛鳥  
因風吹去又吹還

朔中即事

關門南北雜戎夷  
草木秋來即出師  
落日風沙長暝早  
窮冬雨雪轉春遲  
山頭堠火孤明後  
星外行人四絕時  
自古邊功何不立  
漢家中外自相疑

感懷獻門下相公

誰云郎選不由詩上相，憐才積有時。却是龍鍾到門晚，  
終非稽古致身遲。謀將郡印歸難遂，讀著家書坐欲癡。  
日望南宮看列宿，迢迢娶女與鄉比。

一作隣比

贈長城庾將軍

初年三十拜將軍，近代英雄獨未聞。向國報恩心比石，  
辭天作鎮氣凌雲。逆風走馬貂裘卷，望塞懸弧雁陣分。  
定擁節麾從此去，安西大破犬戎羣。

浙東獻鄭大夫

聖主東憂漲海濱，思移副相倚陶鈞。  
樓臺獨坐江山月，舟楫先行澤國春。  
遙想萬家開戶外，近聞羣盜竄諸鄰。  
幾時入去調元化，天下同為堯舜人。

鏡湖夜泊有懷

東晉太守  
馬臻所築

廣水遙隄利物功，因思太守惠無窮。  
自從版築興農隙，長與耕耘致歲豐。  
漲接星津流蕩漾，寬浮雲岫動虛空。  
想當戰國開時有，范蠡扁舟祇此中。

宣州獻從叔大夫

清時選地任賢明從此觀風輟尹京  
日月天中辭洛邑雲山江上領宣城  
萬家閭井俱安寢千里農桑竟起耕  
聞說聖朝同漢代已愁徵入拜公卿

賀同年翰林從叔舍人知制誥

仙禁何人躡近踪孔門先選得真龍  
別居雲路拋三省專掌天書在九重  
五色毫揮成渙汗百寮班下獨從容  
芳年貴盛誰為比鬱鬱青青嶽頂松



吳門別主人

一作吳門月夜  
與曹太尉話別

早晚更看吳苑月小

一作西

齋長憶落西

一作月當

窗不知明

夜誰家見應照離人隔楚江

自黔中歸新安

朝過春關辭北闕暮叅戎幕向南巴却將仙桂東歸去

江月相隨直到

一作至家

奉和鄭薰相公

一本此下有  
七松亭三字

三四株松匝草亭便成彭澤柳為名蓮

一作遠

峰隱去難

辭闕滄水朝回與出城

及第後還家過峴嶺

魏馱山前一朶

一作片

花嶺西更有幾

一作數

千家石斑魚

鮓香衝鼻淺水沙田飯遶牙

春日旅舍

未識東西南北路青春白日坐銷難如何一別故園後  
五度花開五處看

過長江傷賈島

忽從一宦遠流離無罪無人子細知到得長江聞杜宇  
想君魂魄也相隨

自遣

永擬東歸把釣絲將行忽起半心疑青雲道是不平地  
還有平人上得時

寄曹鄴

終南山是枕前雲禁鼓無因曉夜聞朝客秋來不朝日  
曲江西岼去尋君

述懷

望月疑無得桂緣  
春天又待到秋天  
杏花開與槐花落  
愁去愁來過幾年

客洛酬劉駕

浮世總應相送老  
共君偏更遠行多  
此回不似前回別  
聽盡離歌逐權歌

題釣臺障子

君家盡是我家山  
巖子前臺枕古灣  
却把釣竿終不可

幾時入海得魚還

題陽山顧煉師草堂

若到當時上升處  
長生何事後無人  
前峰自去種松子

坐見年

一作視將

來取茯苓神

聞金吾妓唱梁州

聞君一曲古梁州  
驚起黃雲塞上愁  
秦女樹前花正發  
北風吹落滿城秋

遊蜀回簡友人

別來十二月去到漏天邊不是因逢閨還應是一作須知已

隔年

贈涇州王侍御

一旦天書下紫微三年旌旆隴雲飛塞門無事春空到  
邊草青青戰馬肥

夏日一作秋夜宿秘書姚監宅

貴宅多嘉樹先秋有好風一作高樹密濛濛開樓待曉風情閒離一作眠

闕下夢野在一作到山中露色浮寒瓦螢光墮一作暗叢

聽吟麗句盡河漢任西東

一作轉  
虛空

過嵩陰隱者

當門看少室倚杖復披衣  
每日醒還醉無人是与非  
架書抽讀亂庭果摘嘗稀  
獨有江南客思家未得歸

留別山家

閒門不易求半月在林丘  
已與山水別難為花木留  
孤懷歸靜夜遠會隔高秋  
莫道無言去冥心在重遊

送人遊吳

楚田開雪

一作天  
雪開

後草色與君看積水浮春氣深山滯

一作帶

雨寒毘陵孤月出建業一鍾殘為把鄉書去因收

別淚難

東渭橋晚眺

秦地有吳洲

一作舟

千檣渭曲頭人當返照立水徹故鄉

流落第春難過窮途日易愁誰知橋上思萬里在江樓

送延陵韋少府

延陵稱貴邑季子有高蹤古跡傳多代仙山管幾峰微



泉聲小雨異木色深冬去畢三年秩新詩篋不容

淮南送友人歸滄州

風色忽

一作又

西轉坐為千里分高帆背楚落寒日逆淮

暝斷燒綠喬木盤鵬隱片雲鄉關

一作園

百戰地歸去始

休軍

夏日題蓋屋友人書齋

脩竹齊高樹書齋竹樹中四時無夏氣

一作日

三伏有秋

風黑處巢幽鳥陰來斗候蟲牕西太白雪萬仞在遙空

尋山

一逕入雙崖初疑有幾家行窮人不見坐久日空斜石  
上生靈草泉中落異花終須結茅屋向此學餐霞

送元遂上人歸錢唐

白衣遊帝鄉已得事空王却返湖山寺高禪水月房雨  
中過嶽一作月黑秋後宿船涼回顧秦人語他生會別方

貽友人喻坦之

從容心自切一作別飲水勝銜杯共在山中長相隨闕下

來修身空有道取事

一作士

各無媒不信昇平代終遺草

澤才

送友人往振武

風沙遙見說道路替君愁  
磧夜星垂地雲明火上樓  
征鴻辭塞雪戰馬識邊秋  
不共將軍語何因有去留

賦得長城斑竹杖

秦興版築時翦伐不知誰  
異代餘根在幽人得手持  
細看生古意閒倚動邊思  
莫作鳩形並空將鶴髮期

送德清喻明府

棹返雲溪雲仍叅舊使君州傳多古跡縣記是新文水  
柵橫舟閉湖田立木分但如詩思苦為政即超羣

送薛能少府任盤屋

不才甘下第君子蹇何重相送昆明岨同看太白峰數  
瓢留頃刻殘照迫從容好去烟霞縣仙人有舊蹤

送許壽下第歸東山

吾君設禮闈誰合學忘機却是高人起難為下第歸出

關心縱野避世事終稀莫更今秋夕相思望少微

冬夜酬范秘書

一作九衢春  
日酬范秘書

九衢行一匝不敢入他門累日無餘

一作非無

事通宵得至

一作盡

言命嗟清世寒春覺閨冬暄翻覆吟佳句何酬國

士恩

送陸肱尉江夏

如何執簡去便作挂帆期澤國三春早江天落日遲縣  
人齊候處洲鳥欲飛時免褐方三十青雲豈白髭

漢上送人西歸

幾作西歸夢因為愴別心

一作此日看行意令人動遠心

野銜天去盡

山夾

一作東

漢來深疊浪翻殘照

一作雪

高帆引片陰空留

相贈句

一作唯應留別句

畢我白頭吟

蜀中逢友人

自古有行役誰

一作無

人免別家相歡猶

一作寬

陌上一醉

任天涯積疊山藏蜀潺湲

一作紫紆

水遶巴他年復

一作何

處共說海棠花

寄范評事

行坐不相遺，輟閒載筆時。  
雅知難更遇，舊分合長思。  
夢即重尋熟，書常轉達遲。  
山齋終擬到，何日遂心期。

南遊過湘漢即事寄友人

南去遠駢逐，三湘五月行。  
巴山雪水下，楚澤火雲生。  
向野聊中飯，乘涼探暮程。  
離懷不可說，已迫峽猿聲。

送許渾侍御赴潤州

家山近石頭，遂意恣

一作在

東遊

一作浮

祖席離烏府，歸帆

轉蜃樓陰氛出海散落月向潮流別有為霖日孤雲未  
自由

喜友人厲圖南及第

相憂過已切相賀似身榮心達無前後神交共死生承  
家吾子事登第世人情未有通儒術明時道不行

送友人下第歸越

歸意隨流水江湖共在東山陰何處去草際片帆通雨  
色春愁裡潮聲曉夢中雖為半年客便是往來鴻



寄友人

一別一相見須臾老此生客衣寒後薄山思夜深清詩  
近吟何句髭新白幾莖路岐如昨日來往夢分明

送友人下第歸宛陵

天涯長戀親闕下獨傷春擬住還求已須歸不為身臨  
岐仍犯雪挂席始離塵共泣東風別同為滄海人

秋夜對月寄鳳翔范書記

月過

一作遇

秋霖後光應夜夜清一回相憶起幾度獨吟

行河漢東西直山川遠近明寸心遙往處新有雁來聲

送孫明秀才往潘州訪一作常卿

北鳥飛不到北人今一作誰去遊天涯浮瘴水嶺外問潘

州草木春冬茂猿猱日夜愁定知遷客淚應只對君流

八月十五夜對月

陰盛此宵中多為雨與風坐無雲雨至看與雪霜同抱

濕離遙海傾寒向迥空年年不可值還似命一作道難通

及第後歸

家臨浙水傍，岼對買臣鄉。  
縱棹隨歸鳥，乘潮向夕陽。  
苦吟身得雪，甘意鬢成霜。  
況此年猶少，酬知足自强。

過巫峽

擁棹向驚湍，巫峰

一作山

直上看削成，從水

一作地

底聳出

在雲端，暮雨晴時

一作歸

少啼猿，渴下難一聞，神女去風

竹掃空壇

御定全唐詩卷五百八十七

行河漢東西直山川遠近明寸心遙往處新有雁來聲

送孫明秀才往潘州訪

一作謁

韋卿

北鳥飛不到北人今

一作誰

去遊天涯浮瘴水嶺外問潘

州草木春冬茂猿猱日夜愁定知遷客淚應只對君流

八月十五夜對月

陰盛此宵中多為雨與風坐無雲雨至看與雪霜同抱  
濕離遙海傾寒向迥空年年不可值還似命一作道難通

及第後歸

家臨浙水傍，岼對買臣鄉。  
縱棹隨歸鳥，乘潮向夕陽。  
苦吟身得雪，甘意鬢成霜。  
況此年猶少，酬知足自强。

過巫峽

擁棹向驚湍，巫峰

一作山

直上看削成。  
從水

一作地

底聳出

在雲端，暮雨晴時

一作歸

少啼猿，渴下難。  
一聞神女去，風

竹掃空壇。

御定全唐詩卷五百八十七